

通志堂經解

第三十三函
七册

儀禮圖卷第三

士相見禮第三

士相見之禮○摯冬用雉夏用腍左頭奉之曰某也

願見無由達某子以命命某見腍其居反乾雉也○摯所執以至者君子見於所尊敬必執摯

以將其厚意也士摯用雉者取其耿介交有時別有倫也雉必用死者為其不可生服也夏用腍備腐臭也左頭頭陽也無由達言久無因緣以自達也某子今所因緣之姓名以命者稱述主人之意○疏曰倫類也交接有時至於別後則雌雄不雜謂春交秋別也士之義亦然又云雉必用死者尚書云一死鄭云士執雉也義取耿介為君致死也○劉敞曰摯者致也所以致其志也天子之摯鬯諸侯玉卿羔大夫鴈士雉鬯也者言德之遠聞也玉也者言一度不易也羔也者言柔而有禮也鴈也者言進退知時也雉也者言死其節也故天子以遠德為志諸侯以一度為志卿以有禮為志大夫以進退為志士以死節為志

主人對曰某子命某見吾子有辱請吾子之就家也

某將走見有又也某子命某往見今吾子又自辱來序其意也走猶往也賓對曰某不足以辱

命請終賜見命謂請吾子之就家主人對曰某不敢為儀固請吾

子之就家也某將走見不敢為儀言不敢外貌為威儀忠誠欲往也固如故也賓對曰

某不敢為儀固以請言如固請終賜見主人對曰某也固辭不

得命將走見聞吾子稱摯敢辭摯不得命者不得見許之命也走猶出也稱舉也辭其

摯為其大崇也賓對曰某不以摯不敢見見於所尊敬而無摯嫌太簡主人對曰

某不足以習禮敢固辭言不足習禮者不敢當其崇禮來見已賓對曰某也

不依於摯不敢見固以請言依於摯謙自卑也主人對曰某也固

辭不得命敢不敬從出迎于門外再拜賓荅再拜主

人揖入門右賓奉摯入門左主人再拜受賓再拜送

摯出右就右也左就左也受摯於庭既拜受送則出矣不受摯於堂下人君也○疏曰凡門出則以西為右以東為左入則以東為右西為左依賓

西主東之位也主人請見賓反見退主人送于門外再拜請見者為賓崇

禮來相接以矜莊歡心未交也賓反見則燕矣下云凡燕見於君至凡侍坐於君子博記反見之燕義臣初見於君再拜奠摯而出○劉敞曰賓至門主人

三辭見賓稱摯主人三辭摯所以致尊嚴也

右請見

士相見受摯圖

今案受摯于庭不受之于堂注謂下人君此義難曉案聘禮賓至于近郊君使卿朝服用京帛勞賓受于舍門內諸公之臣則受于

堂上

堂又案聘禮賓私面於卿受幣于楹間及衆介面則受幣于中庭以此言之則受於堂為重受於庭為輕其義可知也

庭

主人

授摯

賓

主人

賓

主人

揖

揖

賓

揖

義由是圖

通志堂

陳師道曰宗周之制士見于大夫卿公介以厚其別詞以正其名摯以効其情儀以致其敬四者備矣謂之禮成士之相見如女之從人有願見之心而無自行之義必有紹介爲之前焉所以別嫌而慎微也故曰介以厚其別名以舉事詞以導名名者先王所以定名分也名正則詞不悖分定則名不犯故曰詞以正其名言不足以盡意名不可以過情又爲之摯以成其終故授受焉介以通名儉以將命勤亦至矣然因人而後達也禮莫重於自盡故祭主於重婚主於迎賓主於摯故曰摯以效其情誠發于心而諭

于身達于容色故又有儀焉詞以三請摯以三獻三揖而升三拜而出禮煩則泰簡則野三者禮之中也故曰儀以致其敬是以貴不陵賤下不援上謹其分守順于時命志不屈而身不辱以成其善當是之世豈特士之自賢而亦有禮爲之節也夫周之制禮其所爲防至矣及其晚世禮存而俗變猶自是而失身況於禮之亡乎自周之禮亡士知免者寡矣世無君子明禮以正之旣相循以爲常而史官又載其事故其弊習而不自知也○又曰先王之制士不傳摯爲臣則不見於王公夫相見所以成禮而其弊必

五十九十三
至於自鬻故先王謹其始以為之防而為士者

世守焉

主人復見之以其摯曰鄉者吾子辱使某見請還摯

於將命者

還音旋○復見之者禮尚往來也以其摯謂鄉時所執來者也鄉曩也將猶傳也傳命者謂擯相者○疏曰五等諸侯身自出

朝及遣臣出聘圭璋重不可還復朝聘訖即還之璧琮財物故不還彼朝聘用玉自為一禮有不還之義其在國之臣自執摯相見雖禽摯皆還之臣見於君則不還義與朝聘異不可相決也出接賓曰擯入詔禮曰相一也故聘禮與冠義皆云每一門止一相是謂擯介為相也

主人對曰某

也既得見矣敢辭

讓其來答已也○疏曰上言主人者據前為主賓人而言此云主人者謂前賓今在其家而說也

對曰某也非敢求見請還摯于將命者

言不敢求見嫌褻主人不敢當也○

疏曰賓主頻見是藝故不敢當相見之法直云還摯而已

主人對曰某也既得見矣敢固辭

固如故也

賓對曰某不敢以聞固以請於將命者

言不敢以聞又益不敢當○疏

曰上云非敢求見此云不敢以聞耳聞疏於目見故云又益不敢當也

主人對曰某也固辭不得命

敢不從賓奉摯入主人再拜受賓再拜送摯出主人
送于門外再拜

右復見

士見於大夫終辭其摯於其入也一拜其辱也賓退

送再拜

終辭其摯以將不親答也凡不答而受其摯唯君於臣耳大夫於士不出迎入一拜正禮也送再拜尊賢

右士見大夫

若嘗為臣者則禮辭其摯曰某也辭不得命不敢固

辭

禮辭一辭其摯而許也將不答而聽其以摯入有臣道也

賓入奠摯再拜主人答壹拜

奠摯尊卑異不親授也

賓出使摯者還其摯于門外曰某也使某

還摯

還其摯者辟正君也

賓對曰某也既得見矣敢辭摯者對曰

某也命某某非敢為儀也敢以請

還摯者請使受之

賓對曰某

也夫子之賤私不足以踐禮敢固辭

家臣稱私踐行也言某臣也不足以行賓客禮

擯者對曰某也使某不敢為儀也固以請賓對曰某

固辭不得命敢不從再拜受

受其摯而去之○疏曰以其嘗為臣為輕既不受其摯又相見無饗

燕之禮故鄭云去之

右嘗為臣者見

下大夫相見以鴈飾之以布維之以索如執雉

索悉各反○鴈

取知時飛翔有行列也飾之以布謂裁縫衣其身也維謂繫聯其足

上大夫相見以羔飾之以布

四維之結于面左頭如麇執之

麇莫今反○上大夫卿也羔取其從帥羣而不黨也面前也繫

聯四足交出背上於胷前結之也如麇執之者秋獻麇有成禮如之或曰麇孤之摯也其禮蓋謂左執前足右執後足○疏曰秋行犢麇則獻當在秋時也國皆有三卿五大夫言上大夫據三卿則此下是五大夫也三卿宜六大夫而五者何休云司馬事省闕一大夫如士相見之禮大夫雖摯異其儀猶如云

右大夫相見

始見于君執摯至下容彌蹙

下謂君所也蹙猶促也促恭慤貌也其為恭士大夫一也

庶

人見於君不為容進退走

容謂趨翔

○士大夫則奠摯再拜

稽首君答壹拜

言君若士大夫一拜則於庶人不答之庶人之摯駑焉○疏曰君若士不答拜此得與大夫同答壹拜者士賤君

不答拜此以新升為士故答拜聘禮問勞云答士拜者亦以新使反故拜之

右士大夫庶人見君

若他邦之人則使擯者還其摯曰寡君使某還摯賓對曰君不有其外臣臣不敢辭再拜稽首受

右他邦人見君

凡燕見于君必辯君之南面若不得則正方不疑君

辯猶正也君南面則臣見正北面君或時不然當正東面若正西面不得疑君所處邪鄉之此謂特見圖事非立賓主之燕也疑度之

君在堂

升見無方階辯君所在

升見升堂見於君也君近東則升東階君近西則升西階

右燕見君

凡言非對也妥而後傳言

凡言謂已為君言事也妥安坐也傳言猶出言也若君問可對則對不待安坐

也與君言言使臣與大人言言事君與老者言言使

弟子與幼者言言孝弟子父兄與眾言言忠信慈祥

與居官者言言忠信

傳陳燕見言語之儀也言使臣者使臣之禮也大人卿大夫也言事君者臣事君以忠也祥善

也居官謂士以下

右相見而言

凡與大人言始視面中視抱平視面毋改眾皆若是

始視面謂觀其顏色可傳言未也中視抱容其思之且為敬也平視面察其納已言否也毋改謂傳言見答應之間當正容體以待之毋自變動為嫌懈惰不虛心也眾謂諸卿大夫同在此者皆若是其視之儀無異也若父則遊目毋上於面毋下於

帶

子於父主孝不主敬所視廣也因觀安否何如也

若不言立則視足坐則視膝

不言

則伺其行起而已

右相見而視

凡侍坐於君子君子欠伸問日之早晏以食具告改

居則請退可也

君子謂卿大夫及國中賢者也志倦則欠體倦則伸問日晏近於久也具猶辯也改居謂自變動也

夜

侍坐問夜膳葷請退可也

問夜問其時數也膳葷謂食之葷辛物葱薤之屬食之以止卧

右侍坐於君子

若君賜之食則君祭先飯徧嘗膳飲而俟君命之食

然後食

若祭先飯食其祭食臣先飯示為君嘗食也食謂君與之禮食膳謂進庶羞既嘗庶羞則飲俟君之徧嘗也

若有將

食者則俟君之食然後食

將食猶進食謂膳宰也膳宰進食則臣不嘗食周禮膳夫品嘗食王乃食

若

君賜之爵則下席再拜稽首受爵升席祭卒爵而俟

君卒爵然後授虛爵

受爵者於尊所至於授爵坐授人耳必俟君卒爵者若欲其酌然也

右君賜食賜爵

退坐取屨隱辟而后屨君為之興則曰君無為與臣

不敢辭君若降送之則不敢顧辭遂出

謂君若食之飲之而退也隱辟俛而

返遁興起也辭君興而不敢辭其降於已太崇不敢當也

大夫則辭退下比及門三辭

下示降也

右見君見大夫退

若先生異爵者請見之則辭辭不得命則曰某無以

見辭不得命將走見先見之

先生致仕者也異爵謂卿大夫也辭辭其自降而來走猶出也先見

之者出先拜也曲禮曰主人敬賓則先拜賓

右先生異爵者見

非以君命使則不稱寡大夫士則曰寡君之老

謂擯贊者辭也

不稱寡君不言寡君之某言姓名而已大夫卿士其使則皆曰寡君之某檀弓曰仕而未有祿者君有饋焉曰獻使焉曰寡君之老

右稱寡君不稱寡君

凡執幣者不趨容彌蹙以為儀

不趨主慎也以進而益恭為威儀耳

執王者

則唯舒武舉前曳踵

唯舒者重玉器尤慎也武迹也舉前曳踵備躡躡也○朱先生曰陸佃讀武字絕句謂容彌蹙

同惟武則舒陸說近是

右執幣執王

凡自稱於君士大夫則曰下臣宅者在邦則曰市井

之臣在野則曰草茅之臣庶人則曰刺草之臣他國

之人則曰外臣

宅者謂致仕居宅或在國中或在野周禮載師有宅田刺猶剗除也

右自稱於君

儀禮圖卷第三

後學 成德 校訂

巴陵鍾謙鈞重刊

儀禮圖卷第四

鄉飲酒禮第四

鄭目錄云諸侯之鄉大夫三年大比獻賢者能者於其君以禮賓之與之飲○疏曰凡鄉飲酒之禮其名有四此賓賢能一也六十者坐五十者立侍是黨正蜡祭飲酒二也州長春秋習射於序先行鄉飲酒三也又有鄉大夫士飲酒中賢者用鄉飲酒四也其王制云習鄉尚齒即是黨正飲酒法○呂大臨曰鄉人凡有會聚皆當行此禮恐不止四事論語載鄉人飲酒杖者出斯出矣示指鄉人而言之○今案疏所引四條後一條出鄉飲酒義鄉人士君子尊於房戶之間賓主共之也注疏云鄉人鄉大夫也士州長黨正也君子謂鄉大大士也鄉大夫士飲酒中賢者亦用此禮也

鄉飲酒之禮○主人就先生而謀賓介

主人謂諸侯之鄉大夫也先生鄉中

致仕者賓介處士賢者周禮大司徒以鄉三物敘萬民而賓興之及三年大比而興賢者能者鄉老及鄉大夫帥其吏與其衆寡以禮禮賓之厥明獻賢能之書於王是禮乃三年正月而一行也今郡國十月行此飲酒禮以黨正每歲邦索鬼神而祭祀則以禮屬民而飲酒于序以正齒位之說然此篇無正齒位之事焉凡鄉黨飲酒必於民聚之時欲其見化知尚賢尊長也孟子曰天下有達尊三爵也德也齒也○疏曰黨正正齒位之禮六十者坐五十者立侍六十者

三豆七十者四豆八十者五豆九十者六豆年長者在上是正齒位之法也示仁時十月飲酒禮取黨正之文此篇則無黨正正齒位法也民聚之時謂大比大蜡之時尚賢據此篇鄉飲酒尊長據黨正鄉飲酒也但黨正飲酒以鄉大夫臨觀行禮或鄉大夫居此黨內則亦名鄉飲酒也引孟子者以證鄉大夫飲酒是尚德也黨正飲酒尚齒也爵於此無所當連引之耳或曰賓若有尊者一章即尚爵之義也○今案此篇主於賓賢雖無正齒位法然自賓介而下衆賓有長立於堂下者有東上北上樂正與立者皆薦以齒旅酬少長以齒是示正齒位法但無黨正三豆四豆五豆六豆之等差耳

右謀賓介

主人戒賓賓拜辱主人荅拜乃請賓賓禮辭許主人

再拜賓荅拜主人退賓拜辱

戒告也拜辱出拜其自屈辱至已門也請告以其所為來之事不固

辭者素所有志○朱先生曰學成行修進仕於朝上以致君下以澤民此士之素所有志也

介示如之○記鄉朝

服而謀賓介皆使能不宿戒

鄉鄉人謂鄉大夫也朝服冠玄端緇帶素鞞白屨再戒為宿戒禮將

有事先戒而復宿戒○鞞音畢

右戒賓介